

四庫全書

子部

欽定四庫全書

子部

薛氏醫案卷六十四

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官庶吉士臣吳裕德

謄錄監生臣宋學瀛

欽定四庫全書

薛氏醫案卷六十四

明 薛己 訂

保嬰撮要九

腫瘍

腫瘍者以瘡瘍未潰而言也經云形傷痛氣傷腫又云榮氣不從逆於肉裏乃生癰腫皆因稟受胎毒或乳母膏粱厚味七情陰火或兒食炙煇甘美積毒氣血不和所

致當分其經絡所屬五臟相勝與元稟虧損預為審用
攻補調和之劑速令散潰尤當審其勢之腫漫色之赤白
與痛有微甚毒有表裏若腫高焮痛便利調和邪在表
也宜表散之腫硬痛深大便秘澀邪在內也宜下之外無拘
急內則便利調和者邪在經絡也宜調榮衛腫焮大痛或
麻木不痛邪氣凝滯也用隔蒜灸及活命飲若煩躁飲
冷赤痛發熱二便不通者火熱內熾也用清涼飲活命
飲加大黃尤善若微腫微痛或不痛陽氣虛弱也用參

芪托裡散微黯微赤或不赤陽氣虛寒也用加味托裡散若惡寒而不作膿若膿熟而不潰者陽氣虛也用加味托裡散如此則未成者自能消散已成者自能潰腐尤當別其屬陰屬陽或半陰半陽而治之若泥於腫瘍禁用辛熱之說不分受症之因兼症之經藥行敗毒泛擾諸經誅伐無過以致不能起發或不能腐潰收斂變症莫能枚舉癰疽論云腫瘍內外皆壅宜以托裡表散為主但見腫痛恭之脉症虛弱便與滋補氣血無虧可

保終吉嬰兒有疾兼調其母若腫瘍之際治失其法必致潰瘍之變症此推內經之微旨而生平之徵驗者尤當觸類而長思奚庸贅

潰瘍

潰瘍者以瘡瘍腫潰而言也膿潰而腫消痛止者為順若膿潰腫痛或發寒熱者氣血虛也用十全大補湯膿潰欲嘔少食脾胃虛弱也用六君炮薑手足並冷者脾氣虛寒也用六君薑桂如不應急加附子膿潰而仍痛或

二便秘濇者熱毒未解也用清熱消毒散熱退而渴不退津液不足也用八珍加黃芪麥門山茱萸熱止而小便頻數腎虛也用加減八味丸料若熱不止或腫痛反甚虛熱內作也用人參黃芪湯或熱退而肌肉不生者氣血俱虛也用十全大補湯瘡色大白或陷下不斂寒氣所襲也用五味異功散佐以豆豉餅膿血過多煩躁不安乃亡陽也急用獨參湯尤當審其腫之軟硬飲食冷熱與膿之稀稠多少肉之赤色微甚青黯及瘡口之

收斂遲速而投托裡消毒調補之劑庶無變症癰疽論
云潰瘍內外皆虛宜以托裡補接為主蓋潰瘍之變症
因由於腫瘍之際治失其宜虧損元氣之所致治者可
不慎哉

胎毒發丹

胎毒發丹者因胎毒內伏或頻浴熱湯或著烘衣或乳
母飲食七情內熱助邪為患發頭面四肢延及胸腹色
赤遊走不定古人云從四肢起入腹囊者皆不治當急

令人隨患處遍吮毒血各聚一處砭出之急服活命飲
惟百日内忌砭以其肌肉難任也若發散過劑表虛熱
而赤不退者用補中益氣湯加防風白芷寒涼過劑胃
氣受傷而熱赤不退者用異功散加柴胡升麻或兼發
搐等症用四君升麻當歸鈞藤鈎若復行攻毒必致不
起頭額間患者當卧鍼砭之

史少叅孫二歲丙申正月陰囊赤腫余作胎毒治瘡後
患發熱痰盛等症診其母有鬱火血熱用解鬱涼血之

藥子母俱服而愈至六月初患吐瀉兩眼睜動或投參
朮之類不應以為慢驚欲用附子藥請余議視其實外
關脉赤此屬風熱傷脾用柴胡清肝散加釣藤鉤木賊
草一劑即愈丁酉正月初旬頸患熱毒膿出貼藥忽暴
風啟戶即時發熱翌日頭面黯腫如斗兩耳厚寸許此
風邪上攻血得熱而沸騰也急砭兩額出黑血三盞許隨
用清熱化毒湯黯腫十退七八翌日復砭則血不甚黑
矣仍以前藥去牛蒡子加熟地黃而愈此症若不行砭

法或作破傷風治必死

一小兒四肢患之外勢雖輕內則大便秘結此患在臟也服大連翹飲數神效散而瘥

一小兒患之赤暈走徹遍身難以悉砭令人吮四肢胸背數處使毒血各凝聚而砭之先用活命飲末酒調二服又以金銀花甘草節為末用人乳汁調服漸愈月餘後兩足皆腫仍砭之服前藥而痊數日後兩足復赤或用犀角解毒丸之類致乳食不進肚腹膨脹此復傷脾

胃而然也敷神功散服補中益氣湯加茯苓而痊

一小兒腿如霞片遊走不定先以麻油塗患處砭出惡血其毒即散用九味解毒散而安

一小兒臂患之砭出毒血而愈惑於人言服護心散以杜後患服之吐瀉腹脹患處復赤手足並冷余謂此脾胃虛弱前藥服傷用六君湯一劑頓愈又以異功散加升麻柴胡而痊

一小兒患此砭之而愈但作嘔不食流涎面黃余謂此

脾氣虛弱用異功散加升麻治之吐止食進又用補中
益氣湯涎收而安

一小兒患此砭之而愈翌日發搐作嘔手足並冷此胃
氣虛而肝木侮之用異功散加藿香木香諸症頓止又
用異功散加升麻柴胡而痊

一小兒患此砭之而愈但面赤作嘔飲冷余謂胃經熱毒
未解先用仙方活命飲又用清熱消毒散各一劑而愈
一小兒腿上患之神思如故乳食如常余謂毒發於肌表令

急砭出毒血自愈不信外敷寒涼內服峻劑腹脹不乳而死
一小兒遍身皆赤砭之投以解毒藥而愈

一小兒患此二便不利陰囊肚腹俱脹急用砭法隨以
活命飲加漏蘆木通大黃為末時用熱酒調服至兩許二
便俱通諸症頓退却去三味仍前時服而愈

一小兒患此二便不利腹脹咳嗽用活命飲加漏蘆木
通麻黃為末時時熱酒調服二便隨通遍身出汗諸症
頓退鼻息似絕無氣以動時或似躁此邪氣去而元氣

虛也急用當歸補血湯而愈

砭法治丹毒赤色遊走不定令口吮毒血各聚一處用
細磁器擊碎取有鋒芒者以筋頭劈開夾之用線縛定
兩指輕撮筋頭稍令磁芒對聚血處再用筋一根頻擊
刺出毒血輕者止用口吮出毒用藥敷之如患在頭者
不用砭法止宜用針卧倒挑患處以出毒血遲則毒血
入腹而難起矣

神功散治丹毒最效若砭後毒甚者宜用如毒輕者砭

之後不可用恐礙處皮膚既破草烏能作痛也

仙方活命飲

清熱化毒湯

清熱消毒散

柴胡清肝散

補中益氣湯

小柴胡湯

大連翹飲

柴芍參苓飲

九味解毒散

傷寒發丹

傷食發丹者因脾胃之氣未充乳食過多不能運化蘊熱於內而達於肌表也若因乳食停滯者先用保和丸消之大便秘結量加大黃通之乳食既消而丹尚作者用清中解鬱湯治之丹邪既去而乳食不思者用五味異功散補之發熱作渴或飲食少思者用七味白朮散補

之大凡飲食厚味所致者赤暈或行而緩慢若飲燒酒或誤吞信石所致者遍身赤暈其行甚速又有瘡瘍發焮周圍有赤暈其熱消散或膿出自退凡此俱忌砭法皆宜安裡為主不可攻伐若自吐瀉亦不可止之吐瀉中有發散之意因飲燒酒者飲冷米醋一二杯解之此神妙之法也因母多食炙煇膏粱或飲燒酒或服辛熱燥藥或鬱怒傷肝脾致兒為患者當叅胎熱毒瘡瘍治之

一小兒面色皎白手足常冷傷食患丹余謂此因脾胃
虛弱不信另用尅伐之劑更吐瀉腹痛吐涎不乳口舌
生瘡此脾胃復傷而虛寒格陽在外非實熱也先用六
君乾薑又用五味異功散而愈

一小兒每停食發赤暈此脾虛食鬱用清中解鬱湯而
愈越月忽搖頭咬牙痰甚發搐嘔吐酸腐此食鬱傷脾
也待其吐盡翌日少與白朮散而愈又服前散月餘遂
不復患

一小兒停食便秘四肢赤色此飲食蘊毒於內用枳實黃連厚朴山查神麴而便通赤解更頭暈咳嗽此脾氣虛而不能生肺金也用六君桔梗以補脾肺山查神麴以消飲食而痊

一小兒患此服發表之劑手足抽搐服驚風之藥目睜痰甚余謂脾胃虧損肝木所勝之虛象無風可祛無痰可逐用六君子湯一劑而安再劑而痊

一小兒停食服通利之劑患丹作嘔腹脹此脾氣復傷

也用補中益氣湯五味異功散而愈

一小兒因母食炙煨酒麵兩臂前膝各漫腫一塊有根
四畔赤暈相圍余謂患處屬胃經因胃經積熱而為患
也用清胃瀉黃二散治之而消設謂丹毒輒用砭法及
敗毒之藥反促其危矣

一小兒停食身發赤暈用清中解鬱湯而愈越月忽搖
頭咬牙痰盛發搐吐出酸腐待其吐盡翌日少以七味
白朮散次日又以參苓白朮散調理脾胃遂不復患大

抵吐後兒安不必服藥也

一小兒停食大便不通四肢赤暈余用枳實厚朴山查神麴大便遂通赤色亦止更又眩暈咳嗽此乃脾氣虛而不能生肺金也用六君子湯而愈

一小兒停食面赤用清熱發散之藥遂腹脹痰喘倦怠惡寒此亦脾胃傷而肺金不能生仍用六君加桔梗以補脾肺又以山查神麴以消餘食頓愈

一小兒患此服發表之劑手足抽搐服抱龍丸目睜氣

喘痰甚此脾胃虧損而成慢驚也無風可祛無痰可逐
此虛象也用六君加附子一劑而安再服全愈

一小兒停食患前症服辛熱之藥腹脹如蠱脉洪而數
內作膿也不信果便膿而死

保和丸

方見虛羸

五味異功散

方見敗毒之藥

清中解鬱湯

七味白朮散

六君子湯

清胃散

四方見腹癰

補中益氣湯

方見肌肉不生

瀉黃散

方見頭面瘡

胎毒瘡瘍

胎毒瘡瘍皆稟於父母胎熱或乳母飲食之毒七情慾火所致不可專治小兒亦須兼治乳母小兒即安瘡瘍當服和解不宜服峻劑

一小兒患於左耳邊漸延頭上作痒此稟肝膽經脉數
此稟生母肝火所致乳母有肝火而益甚也又數日作
吵不安手足時搖此因作膿焮痛而然又三日早間以
指微按瘡頭腫隨指復起其膿已成也至午瘡頂起薄
皮膿已熟也點代針膏將晚出膿兒頓安腫赤頓消此
瘡家最善症也貼太乙膏以護風寒乳母服逍遙散而
愈

一小兒生下臂外腫一塊寸許月餘忽赤腫二寸許外

赤暈勢欲走散此膿毒內焮針之隨出膿赤暈退兒即
安診乳母肝膽脉弦數按之有力先用加味小柴胡湯
加黃連二劑去黃連又二劑却用加味逍遙散與乳母
服兒尋愈

一小兒生下大腿腫寸許一塊面目色白將暮敷藥而
潰膿水清稀二暮而未愈後呵欠咬牙此稟腎虛朝用
補中益氣湯夕用地黃丸料與母子同服半杯年餘而
愈

一小兒生下左脇間一塊漫腫無頭肉色不變敷鐵箍散而膿清欲嘔余謂稟肝經氣滯而脾氣虛不能愈也先用異功散加柴胡升麻以補脾胃又以托裡散加柴胡山梔以托裡清肝其子亦飲數匙三月而愈

一小兒生下小腹患腫一塊年餘不潰寒熱往來此稟肝火而然也其母果經事不調內熱體倦用地黃丸八珍湯與母服子日服半杯尋愈

一小兒生下胸脇間腫赤年餘不消余謂稟肝血熱但

治其母不信另用鐵糲散犀角丸作嘔不乳此胃氣虛而復傷余用五味異功散救子之胃氣用加味逍遙散治母之肝火頓愈

一小兒生下遍身無皮色赤原母素食膏粱之物以寒水石一兩炒焦黃栢二兩淨黃土四兩俱為細末時敷遍身母服清胃散加漏蘆五日赤少淡却用黃土五兩炒焦黃栢一兩敷之母服加味道遙散又三日赤頓淡水頓少又三日但敷黃土一味母服八珍湯加牡丹皮

柴胡而愈

一小兒生下有疥審其母素鬱怒用消毒散以當歸膏調敷母服加味道遙散加漏蘆及加味歸脾湯而愈後復發為母食膏粱用清胃散及敷前藥而愈

一小兒生下有痔瘡三歲後作痛服化毒丹犀角丸以治大腸之火更腹痛作瀉咬牙呵欠仍欲治火余曰呵欠咬牙屬肝經之病內經云因而飽食筋脉橫解腸澀為痔此稟肝火為患兒服地黃丸母服道遙散加漏蘆而

愈

一小兒陰囊赤痒或時如無皮狀兩目常閉服化毒丹
益甚余曰化毒丹犀角丸治脾胃實火之劑前症乃稟
肝腎經陰虛也不信仍服之幾危余用六味地黄丸四
味肥兒丸母服加味道遙散而痊

一小兒生下陰囊赤腫余謂稟腎肝陰虛不信另用化
毒丹之類前症益甚更嘔吐不乳手足並冷此脾胃被
傷先用五味異功散母用大劑地黃丸料加炒黑黃柏

及漏蘆與數劑而消其時患是症服化毒丹敷涼藥者俱不救

一小兒生下臀尖微腫寸許一塊敷鐵箍散服化毒丹越月腫起色赤啼聲不絕以指按之隨手復起此膿內熟而痛也遂針之出稠膿啼聲即止余謂血氣無虧不必用藥彼欲速效另犀角丸致吐瀉發搐欲投驚藥余曰此因脾胃虧損而内生風耳急以人參一兩細切和壯婦乳一鍾置粥釜中煮良久取出絞乳汁以綿作乳

頭樣者燕乳頻與兒吮之一日吮盡却服乳化地黃丸
母日服八珍湯加漏蘆不月而愈

一小兒生下臀內賺赤腫二寸許一塊有膿內潰遂針
之出膿甚多隨眼閉咬牙余謂眼閉脾氣虛不能開也發
搐咬牙乃脾氣虛而肝火動也以人參如前漬乳兒吮
母服八珍湯加漏蘆月餘而瘡愈

一小兒生旬餘頭患毒高寸許有赤暈勢危急卧鎌砭
出黑血兒即安翌日眉間有患亦有赤暈余意宜即砭

之衆議第二日砭之果血凝不出腹脹而歿

敷藥鐵箍散治一切瘡癰癰疽

芙蓉葉 黃柏 大黃 五倍子 白芨

右為末用水調搽四圍

按前方乃寒涼解熱收斂之劑或有用白薇商陸根者
有用寒水石天花粉者有用蒼耳金銀花者有用芭蕉
赤小豆者有用草烏白芷之類者皆不分寒熱溫涼之
雜餌內經云先腫而後痛者形傷氣也先痛而後腫者

氣傷形也又云五臟不和九竅不通六腑不和癰結為癰外科精義云凡瘡腫高而軟者發於血脉腫下而堅者發於筋脉肉色不變發於骨髓蓋必有諸中而後形諸外故受症之經與所患之位各有不同豈宜一概外敷涼藥惟脾胃無虧血氣不和者庶幾有效若服化毒之類脾胃復傷運氣凝滯亦不能消矣至如疔瘡之類正欲宣拔其毒若復用前藥肌肉受寒血氣凝滯必至毒氣入內而不救治法必察其腫之高漫色之赤

白痛之微甚作膿之難易出膿之稠薄生肌之遲速以別其屬陰屬陽或半陰半陽或純陰純陽而用相宜之藥以涼之熱之和之又當審受症之傳變五臟之相勝而以調補脾胃為主庶不致變惡症也

五福化毒丹治胎毒及痘後頭面生瘡眼目腫痛

生地黄

并膏

熟地黄

自製并膏

天門冬

去心并膏

麥門冬

去心并膏

玄參

各三兩

甘草

甜硝

各二兩

青黛

一兩五錢

右為末煉蜜丸如芡實大每服一丸白滾湯化下甜

硝即朴硝以滾湯製過者便是按前症服此而發搐
痰喘者皆中氣受傷而變虛熱也急服五味異功散
若手足並冷者中氣虛寒也前湯加薑桂多有生者
犀角消毒丸治積熱及痘疹後餘毒生瘡

生地黃 防風 犀角屑鎊 荊芥穗 當歸

各一兩 牛蒡子炒 赤芍藥 連翹 桔梗各七錢

薄荷 黃芩 甘草各五錢

右為末煉蜜丸如芡實大每服一丸薄荷湯化下

按前二方善損中氣傷陰血若大人形病俱實脾胃健旺者庶可用之恐芽兒臟腑脆嫩不能勝此經云氣主噓之血主濡之氣者胃中沖和之元氣若胃氣一傷不能噓濡消散膿已成者不能腐潰膿已潰者不能生肌收斂因而難治甚致不起不可不慎也

八味茯苓補心湯治心氣不足血氣不和而患瘡症

愚製

茯苓

酸棗仁

炒各二錢

五味子

炒一錢

人參

一錢五分

當歸

一錢

白朮

炒一錢

遠志

去心六分

菖蒲

五分

甘草

五分

右作二三服水煎

柴胡梔子散

方見脇癰

托裡散

方見熱毒

熱毒瘡瘍

熱毒瘡瘍因食膏粱厚味或乳母七情鬱火所致若腫
脅作痛氣血凝滯也用仙方活命飲口渴便秘熱毒內
蘊也用四順清涼飲佐以如聖餅腫硬色赤熱毒凝聚

也用活命飲佐以隔蒜灸腫焮不消欲作膿也用托裡
消毒散不成膿或成膿不潰氣血虛也用八珍湯潰而
肉赤不斂脾血虛也用四物參朮肉白而不斂脾氣弱
也用四君芎歸食少體倦而不斂脾氣虛也用六君當
歸升麻凡藥對症無有不愈設或妄行攻毒元氣虧損
則變惡症而難治矣大抵瘡瘍屬腑者易治元氣無虧
者不治自愈屬臟者難治元氣虧損者則變為惡症誤
行剋伐元氣虧損尤難療理故切不可用峻厲之劑觀

東垣丹溪云但見腫痛叅之脉症虛弱便與滋補血氣無虧可保終吉若用驅逐敗毒不免有虛勞之禍矣

一小兒患之腫焮敷服敗毒之藥腫益甚更作嘔視其寅關脉青赤此肝經風熱之毒中氣復傷而然也用五味異功散加柴胡升麻再用補中益氣湯加白芷桔梗而愈

一女子十歲餘耳下連項赤腫寒熱頭痛恪敷鐵箍散此少陽膽經火症內作非鐵箍散所能愈余用梔子清

肝散而愈

一小兒所患同前右關脉數按之則弦作嘔懶食此肝木尅脾土所致用小柴胡湯去黃芩加茯苓芍藥而愈
一小兒患之余謂稟肝脾氣滯不信用鐵穉散犀角丸而嘔吐少食手足並冷此脾胃受傷也子用五味異功散加木香母用加味逍遙散加味歸脾湯而消

一小兒缺盆患之內外敷服敗毒之藥發熱腫痛按之則軟此膿內潰也喜其右腮白左腮黃乃脾肺相生其

病易愈遂針出膿用托裡散而愈

一小兒頭面患之服清胃之藥腫痛益甚余謂毒氣熾盛而淤血不散也用仙方活命飲二劑而愈後因傷食朝寒暮熱頭面仍患之服降火之劑口舌赤腫手足並冷余謂胃氣復傷而虛寒也用五味異功散而愈

一小兒頭患癰甚多寒熱作痛時季夏乃形病俱實先用參敗毒散加黃連香薷一劑其痛頓止次用仙方活命飲末三服大者出膿小者自消後食厚味復發用

清胃散活命飲各一服而愈

一小兒素食炙煨不時患之此膏粱積熱所致用清胃
瀉黃二散將愈又停食服巴豆之藥口舌赤爛頭面生
瘡此胃氣復傷而內熱也用人參安胃散而愈

一小兒不時患之兼頰側結核此肝疳之症先用龍膽
瀉肝湯二劑以治肝火又用四味肥兒丸五味異功散
加升麻柴胡消疳健脾而愈

一小兒素有疳脾之症患癰甚多用仙方活命飲二劑

腫痛頻退又用四味肥兒丸五味異功散加柴胡升麻而愈其時同患此症用犀角丸化毒丹傷其脾胃者俱致不起

一小兒頭面患之腫痛焮作屬胃經熱毒先用仙方活命飲末次用清胃散而痊後口舌生瘡別搽末藥腹痛重墜作嘔不食手足指冷余謂脾胃虛寒用異功散加升麻而痊

一小兒十二歲胸前患此腫焮作痛外敷鐵箍散內服

犀角丸腹中寒痛驗之膿已成先用五味異功散再用托裏消毒散膿自出却用托裏散而愈

一小兒臂患毒漫腫微痛敷鐵箍散時欲嘔吐胸腹痞滿手足並冷此脾氣虛寒也症屬半陰半陽鐵箍散乃純陽之藥非其所宜遂敷中和膏服六君乾薑而消蓋小兒元氣易實易虛用寒藥敷貼逼毒入臟而不能救者多矣

仙方活命飲

皂角刺炒穿山甲蛤粉同炒乳香 沒藥 白芷

防風 當歸各一錢金銀花 陳皮各三錢貝母

天花粉 甘草節

右每服五錢酒煎服嬰兒每服一兩母子同服為末
酒調服亦可毒在表者加麻黃散下毒在內者加大
黃下之當臨制宜此解毒回生起死之良劑

托裏消毒散治胃經虛弱或因剋伐致瘡不能潰散瘡
未成即消已成即潰腐肉自去新肉自生

人參 黃芪 當歸酒拌芍藥炒白朮炒川芎

茯苓各一錢白芷 甘草炒金銀花 連翹各五分

右作二劑水煎徐徐服

托裏散治瘡瘍因氣血虛不能起發腐潰收斂及惡寒發熱宜用此補托之

人參五分氣虛倍用黃芪炒五分當歸五分血虛倍用白朮倍用

茯苓各五分芍藥酒炒五分熟地黃一錢生者自製

右作二三劑水煎服

替針丸治瘡疽膿已成不潰者

陳壞米

錢一礪砂錢五

雄雀糞

四十九粒直細者是也

右為末米粥丸麥粒大每用一粒粘瘡頭上以膏藥貼之半晌其膿自出若瘡頭透而膿不出或出而愈痛或發熱血氣虛也用托裏散或作嘔吐痰食少體倦脾氣虛也用六君子湯

五福化毒丹治熱毒蘊積赤咽乾口舌生瘡或頭面瘡

癰譴語不寧

方見胎毒瘡瘍

按前方生血涼血解毒寒中之劑形病俱實者殊有良驗
但一二丸即止不可過多則反傷元氣變症不可勝言也

天烏散

天南星 赤小豆 草烏 黃蘗

各等分

右為末薑汁米醋調貼患處

四物湯治發熱煩燥或日晡熱若因脾胃虛不能生血者

則用六君子湯之類忌用前藥

方見腋癰

四君子湯治脾胃虛熱唇口生瘡或瘡不消不潰不斂

或食少作嘔大便不實若因肝木乘脾土而致者宜
加軟柴胡炒黃芍藥方見腹癰

六君子湯治脾胃虛弱飲食少思或大便不調肢體消
瘦面色痿黃即四君子加陳皮半夏

八珍湯治氣血俱虛成者不能潰潰者不能斂或惡寒
發熱或晡熱作渴飲食少思者即四君子四物二湯合用

如聖餅治氣虛瘡瘍硬腫不能消散若大人發背等症

肉死不知痛加蟾酥方見流注

四順清涼飲

四君子湯 二方見腹癰

加味歸脾湯

小柴胡湯

梔子清肝散 三方見脇癰

托裏沖和湯 方見敷涼藥

五味異功散 方見敗毒之藥

加味逍遙散 方見發熱不止

人參敗毒散 方見發癰

四味肥兒丸 方見貼骨癰

隔蒜灸法 方見流注

清胃散 方見熱毒口瘡

補中益氣湯 方見肌肉不生

胎毒瘰癧

胎毒瘰癧者乃稟肝膽二經鬱火氣滯所致蓋肝膽經行人身之側若因肝火動而受患故發於肝膽二經部

分當審其因而藥之或因乳母恚怒或血虛內熱者當審其所因而調其母不可用峻厲之藥恐傷元氣也

一小兒落草頸間有瘰五枚審其母素多怒時常寒熱或乳間作痛或脇肋微腫悉屬肝膽經症先用小柴胡湯加當歸芍藥寒熱頓退又用加味逍遙散母服兩月餘其兒亦愈

一小兒頸間耳下各結核三歲久服消毒之劑患處益甚元氣益虛診乳母素鬱怒致肝脾血虛而有熱用加

味歸脾湯為主佐以加味逍遙散母熱漸退却與兒日各數匙兩月餘而愈

一小兒自落草時頸間患有四枚至五歲耳前後如貫珠元氣虛甚寒熱往來飲乳不徹此稟肝膽經氣滯之症用八珍逍遙二散與壯年婦人服之兒飲其乳半載之後兒體漸充其核漸消又服地黃丸逍遙散而全愈一小兒頸間結核或發寒熱左頰青額間赤此稟肝心二經之症用加味逍遙散加漏蘆與母服兒日服半蛤

許兩月餘核漸消後因母怒發熱兒病仍作先用加味
小柴胡湯加漏蘆又用加味逍遙散加漏蘆與母服兩
月餘母子俱安

一小兒頸間前後各有一核色如故至週歲母有怒氣
各核變赤用加味逍遙散加漏蘆五分十餘劑將愈後
因母大怒寒熱往來四肢痠癢其子亦然又用加味逍
遙散加漏蘆鈞藤鈎母子並服而安

一小兒生下頸間瘰癧三枚將期敷藥延及耳前余謂

此稟肝膽二經所致診其母肝膽脉尚洪數余謂母子一體治其母兒自愈不信另用必效散一服吐瀉並至一夕而歿

小柴胡湯

加味歸脾湯

二方見脇癰

加味道遙散

方見發熱不止

六味地黃丸

方見作渴不止

熱毒瘰癧

熱毒瘰癧乃手足少陽足厥陰二經風熱之症或肝疳
食積所致其症發於項腋或耳前後或如貫珠當分表
裡虛實若焮赤腫者肝經熱毒也用人參敗毒散作痛
寒熱者肝火內作也用加味小柴胡湯不痛而小便黃
肝血虛也用六味地黃丸隱於肉裡而色不變者肝疳
內作也用九味蘆薈丸膿成而不潰或潰而不斂者脾
氣虛弱也用益氣養榮湯凡此腫焮疼痛寒熱作渴者
屬病氣有餘形氣不足治宜清肝火生肝血腫硬不潰

潰而不斂者屬病氣形氣俱虛治宜補腎水實脾土若因乳母恚怒肝火遺患者又當隨所因而治之

一小兒膿水淋漓其核未消發熱憎寒此肝經氣血虛而有熱也用補陰八珍湯為主間以清肝益榮湯而愈後復結核小便赤澀晡熱作渴用參朮柴苓湯為主佐以六味地黃丸料加柴胡山梔及四味肥兒丸而愈一小兒十五歲患此發熱作渴日晡頰赤脉數無力屬陰虛而有熱用補陰八珍湯五十劑加參芪又二十劑

而潰但膿水清稀肌肉不生此脾氣虛弱也以參芪歸
朮為主佐以芍藥熟地麥門五味氣血乃復遂進必效
散一服毒下而痊

一小兒十三歲久不愈寒熱兼作飲食少思此肝火熾
而脾胃虛也用益脾清肝散佐以九味蘆薈丸而愈至
十六歲陰莖忽痿服溫補之藥莖竅出臭津穢痕腫痛
予用清肝火之藥而愈

一小兒十五歲患此恪用攻痰前症益甚虛症悉至仍

議前法余曰小便頻數肝經陰虛也兩目連劄肝經風熱也作嘔懶食胃氣虛弱也泄瀉後重脾氣虛陷也遂用補中益氣湯六味地黃丸漸愈又用九味蘆薈丸而消

一小兒項間及四肢結核久潰不斂形體骨立大便不調小便頻數此肝脾疳症九味蘆薈丸補中益氣湯而愈

一小兒十四歲患此膿水清稀肌體骨立晡熱盜汗口

乾咳痰此腎水不能生肝木也用六味地黄丸補中益氣湯三月餘元氣漸復佐以四味肥兒丸而愈畢姻後唾痰體倦發熱作渴此脾肺虛不能生腎水水泛而為痰用地黃丸補中益氣湯而痊

一小兒患此服尅治之藥致寒熱腹膨此肝脾疳症先用五味異功散加柴胡升麻佐以九味蘆薈丸漸退又用四味肥兒丸五味異功散而消

一小兒患此服化痰散堅之藥面色青白少陽三焦部

分見青筋又目劄出淚此肝膽風熱所致脾土虛而肝木所侮也先用補中益氣湯柴胡清肝散加蕪荑核漸消又佐以五味異功散加蕪荑而愈

一小兒九歲患此面色常青腫硬不潰肉色不變乃伐肝化痰余曰當調補肝脾不信果虛症蜂起復請治仍欲伐肝余曰面帶青色肝虛而本色見也面色變白肺虛而本色見也痰涎上湧脾虛而不能攝也兩目連劄肝血虛而生風也經云胃為五臟之本當先救胃氣遂

用五味異功散加升麻柴胡元氣稍復乃朝用補中益氣湯夕用五味異功散佐以九味蘆薈丸面色始黃而核漸消又以四味肥兒丸間服地黃丸而愈

一小兒五歲患此小便白色此肝脾疳症用九味蘆薈丸四味肥兒丸而消因食橙橘二便俱白拘攣結核亦用前丸而愈後目連劄頸間耳後結核用柴胡清肝散蘆薈丸而愈

張閤老姪孫患此久服化痰削堅之劑夜熱吐痰時季

夏脉大按之而漉余曰夏月肝症而見肺脉至金旺之時其病必進矣至八月疾甚果不治

一女子十四歲耳下患此服化痰泄氣藥前症益甚諸症並臻余曰此肝膽經虛火之症也前藥乃泛擾諸經無臟不傷者不悟仍服之更四肢發搐目閉口噤余曰此肺經虛肝木動而脾土復傷也當補脾土滋肺金養腎水亦不信後果歿

一小兒四歲患此泛服軟堅伐肝之劑益甚余曰此稟

肝經之虛羸兼乳母鬱怒所致當調補乳母肝脾滋子之腎水不悟仍用前藥以致不起

四味肥兒丸治食積脾疳面耳口舌生瘡目障雲翳牙

齒腐爛等症

方見貼骨癰

柴芍參苓飲治肝火血熱遍身瘙痒或起赤暈或筋攣
結核

柴胡 芍藥 人參 白朮 茯苓 陳皮

當歸 各五分 牡丹皮 山梔 炒 甘草 炒各三分

右薑棗水煎服

神功散治瘡瘍初起腫焮者用之可消加血竭更好丹
毒未砭者亦可用之

黃柏炒 草烏生用

右各另為末等分用漱口水調敷常漱口水潤之

清肝益榮湯治肝膽經風熱血燥筋攣結核或作瘰子

龍膽草酒拌炒 山梔炒五分 柴胡五分 熟地黃自製

白朮炒 木瓜不犯鐵器 茯苓 薏苡仁各五分 當歸錢一

川芎錢一芍藥錢一甘草三分

右水煎服

加味小柴胡湯山梔牡丹皮治肝膽經風熱耳前後腫

痛或結核焮痛或寒熱晡熱口苦耳聾等症前方去山梔丹

皮即小柴胡湯

柴胡錢二黃芩錢炒一人參七分半夏七分甘草炙五分

山梔錢一牡丹皮錢一

右薑水煎徐徐服

九味蘆薈丸治肝脾疳熱患瘰癧結硬或三焦目生雲

翳耳內生瘡或肢體消瘦熱渴少食或肚腹不調牙

齲蝕頰腐爛下部生瘡等症

方見喉痺

必效散治瘰癧元氣無虧者宜用此方若元氣怯弱者
宜先補而後服之瘰癧毒已下便與滋補庶無他患若
孕婦及虛勞氣鬱所致者尤不可服世以此方為良
故併註之

南鵬砂

二錢五分

輕粉

一錢

巴豆

五粒去皮心膜去

白槿榔

一個

麝香

五斑貓四十箇去頭足翅用糯米炒

右為末取雞子二箇去黃用清調藥入殼內以濕紙數重糊口甑蒸熟取出曝乾研細每服五分用炒生薑酒五更調服如毒出小便澀痛用益元散一服其毒出而不痛

益氣養榮湯

方見鶴膝風

梔子清肝散

方見腸癰

補陰八珍湯

即八珍湯加黃柏知母

次定心軍全書

薛氏醫案

三

三

益脾清肝散

方見黃水瘡

驚風結核

驚風結核屬肝膽二經風木相火用事木旺生風熱同
化其病抽搐擾動此乃風熱血燥而然耳蓋風動則肝
火盛火盛則肝血內消血不能養筋故筋攣結核如貫
珠然頸項兩側正屬肝膽經部分治宜滋腎水清肝火
養陰血壯脾土蓋腎水旺則肝火自清肝火清則陰血
自生陰血生則相火自寧火既寧則無熱傷元氣火乘

土位之疾矣

一小兒因驚項間結核目劓唇動搖頭抽搐此風木凌於脾土也用皂角子丸補中益氣湯漸愈又用九味蘆薈丸而痊

一小兒甫週歲項間結核兩臂反張索敗毒之藥余意此屬肝經血燥詢之果前患驚風曾服硃砂等藥遂與六味地黃丸滋其肝血數服而愈

一小兒項側結核痰盛發搐服金石香燥之劑手足筋

金匱要略卷之十四
卷之十四
牽此肝血復傷即急驚也遂用加味小柴胡湯加釣藤
釣山梔芩歸六味丸料加五味麥門而痊

一小兒每受驚項間結核發熱減食睡間四肢微抽此
肝木侮脾土也用五味異功散加柴胡升麻釣藤鉤隨
愈畢姻後腿臂腕間結核誤服行氣破血藥腿臂筋攣
肌體消瘦如瘵症余因考績到京用地黃丸生肝腎之
血佐以補中益氣湯補脾肺之氣而愈

一小兒耳前後結核遇驚即痰盛咬牙抽搐頭恪服

香燥之藥以致慢驚而卒

皂角子九治肝膽經風熱項脇兩側結核

皂角子

仁炒二兩

連翹

錢八當歸

柴胡

芍藥

炒

山梔

炒

川芎

各一兩

桔梗

炒

龍膽草

酒拌炒

甘草

炒各四錢

右為末米糊丸菽豆大量兒大小滾湯下

人參敗毒散治小兒風熱瘰癧頑核毒瘡或解脫衣裳

風邪所傷惡風發熱胸膈生涎頭目不清

方見發斑

九味柴胡湯治肝經熱毒下注患便毒腫痛或小腹脇間結核凡肝膽經部分一切瘡瘍或風毒惡核瘰癧炒

柴胡五分黃芩炒五分人參山梔炒龍膽草炒

半夏當歸芍藥炒各三分甘草二分

右水煎服若腫痛色赤元氣無虧者宜用潰後腫消痛止者不宜用大凡腫硬不潰或潰後不愈因元氣虛也午前宜用四君歸芪升麻午後宜用四君芍歸

柴胡為主佐以九味蘆薈丸若飲食少思者宜用五味異功散專補胃氣若膿水清稀而見一切諸症皆因血氣內虧但溫補脾胃飲食加進血氣化生諸症自退設治瘡邪是虛其虛也禍不旋踵矣

琥珀膏治瘰癧不潰或潰而不愈變成漏症

琥珀 木通 桂心 當歸 白芷 防風

松香 硃砂 丁香 木香 木鼈子

各二兩

右先用琥珀丁香桂心硃砂木香為末其餘咬咀以

麻油二斤六兩慢火煎至白芷焦黑濾去渣徐下黃
丹一斤以柳枝不住手攪至黑色滴水捻軟硬得中
却入琥珀等末攪勻於磁器盛之用時取少許攤貼
益脾清肝散治肝火侮脾飲食少思發熱或寒熱往來
瘡不能消散

方見黃水瘡

補陰八珍湯治元氣虛弱不能潰斂或內熱晡熱肌體
消瘦即八珍湯加酒炒黑黃柏知母

五味異功散

方見敗毒之藥

胎毒瘡疥

胎毒瘡疥因稟胎熱或娘母飲食之毒七情之火初如乾癬後則膿水淋漓或結靨成片如發於兩耳眉或耳前後髮際之間屬手少陽經若發於四肢屬脾胃經發於兩脇屬肝經發於額屬心經發於腦屬膀胱經發於頰頰屬腎經當隨各經所主五臟勝負及乳母食啖厚味鬱怒所傳致而調治之不可徹用化毒犀角等丸設元氣復傷傳變他症尤為難療

一小兒遍身患之服牛黃解毒丸皆愈惟頭結痂作痒出水此稟腎經虛熱用地黃丸解毒散而愈

一小兒患於髮際之間作痒診其母有肝火用加味道

遙散加漏蘆用牛黃解毒丸解毒散而愈

解毒散一名托毒散

一小兒患於左耳髮際漸延上頭作痒此稟肝膽二經

熱毒用柴胡清肝散母子並服而愈後不戒膏粱復發

膿水淋漓右頰赤色此胃經有熱先用清胃散仍用柴

胡清肝散治肝火母子俱服又用立效散牛黃解毒丸

而愈

一小兒兩眉患之延及遍身四肢為患膿水淋漓寒熱
往來屬肝脾積熱用清胃散小柴胡湯立效散而愈後眉
間復患兩目連劄小便白濁用四味肥兒丸九味蘆薈
丸而愈

一小兒因乳母不戒七情厚味患此久不愈母用清胃
逍遙二散子用牛黃解毒丸愈後兒食甘味眉間生瘡
痛痒目劄用四味肥兒丸為主佐以加味逍遙散清胃

散而愈

一小兒遍身患之兩脇為甚子用四味肥兒丸立效散
母用柴胡梔子散加味道遙散而愈

牛黃解毒丸治胎毒瘡癰及一切瘡瘍

牛黃

錢三

金銀花

一兩

草紫河車

錢五

甘草

右為末煉蜜丸量兒服

立效散治髮瘡耳瘡及一切瘡疥

定粉末

松香末

黃栢末

黃連末

各一兩

枯礬末一兩

右各另為末用清油燭油調搽

敷藥解毒散治一切毒瘡風疹痒痛

大黃 黃柏 山梔 寒水石

煨各等分

右為末水調搽若破而膿水淋漓用當歸膏或清燭

油調尤善

柴胡梔子散

即梔子清肝散方見脇癰

四味肥兒丸

方見熱毒瘰癧

九味蘆薈丸 方見諸疳口瘡

金黃散 方見天泡瘡

熱毒瘡疥

熱毒瘡疥因乳哺過早或嗜甘肥臟腑積熱或母食膏
粱厚味或七情內火所致當分臟腑所屬之因病之虛
實調其血氣平其所勝如肝經實熱用柴胡清肝散虛
熱用六味地黃丸心經實熱用導赤散虛熱用補心湯
脾經實熱用瀉黃散虛熱用補中湯肺經實熱用瀉白

散虛熱用五味異功散腎經熱用六味地黃丸大凡手足冷者屬虛寒手足熱者屬實熱脈沉數有力作渴飲冷大便乾實此邪在裏宜內疏若脈浮數有力作渴飲冷此邪在表宜發散若脈浮大按舉無力或作渴飲湯乳食少思此真氣虛而發熱也調理脾胃其病自愈切不可用寒涼之劑復損真氣嬰兒宜調治乳母為主

一小兒脇間患此寒熱如瘧小便頻數此稟肝火所致先用柴胡清肝散又用加味道遙散而愈後因乳母肝火動而復

發用加味道遙散及八珍湯加丹皮山梔母子服之並愈

一小兒腹間患此發熱便血面黃少食或作嘔或作瀉
手足時冷右關脉弦數此脾土虛弱肝火為患先用五
味異功散加升麻柴胡山梔益脾氣清肝火後用地黃
丸滋腎水生肝血而愈

一小兒腿內股患此色赤不愈發熱面色或赤或青此
稟腎陰不足而木火熾盛先用柴胡梔子散以清肝心
後用地黃丸以補肝腎而愈

一小兒肘間患此作渴飲冷右寸關脉數而無力此胃經積熱傳於肺經也先用瀉黃瀉白二散漸愈後用五味異功散四味肥兒丸而愈

一小兒嗜膏粱甘味先患背髀後沿遍身淋漓此飲食之熱而傷脾血也先用清胃瀉黃二散而愈但形氣怯弱用五味異功散而元氣復

柴胡清肝散

方見脇癰

五味異功散

方見用敗毒之藥

導赤散

瀉白散 二方見臂癰

瀉黃散 方見頭面瘡

諸疳瘡疥

諸疳瘡疥因脾胃虧損內亡津液虛火妄動或乳母六淫七情飲食起居失宜致兒為患當分其因審其經而平之如面青寒熱或白翳遮睛肝經之症也面赤身熱或作渴驚悸心經之症也面黃體瘦或作渴泄瀉脾經

之症也面白咳嗽或鼻間生瘡肺金之症也面顴體瘦或喜卧濕地腎經之症也嬰兒宜調治乳母若不審五臟勝負形病虛實妄行敗毒多致不救

一小兒患此小便頻數左頰青色或時目劄此肝脾之症也先用五味異功散加當歸升麻柴胡調補脾氣又用九味蘆薈丸清理肝火末用地黃丸滋腎水生肝木而疥愈後復發不經意兼兩目生翳小便頻數大便泄瀉此肝邪侮脾而作也用四味肥兒丸五味異功散加

蕪荑脾氣健而肝病愈

一小兒患此面黃作渴大便酸臭腹脹青筋此肝脾之症用五味異功散為主佐以四味肥兒丸而愈

一小兒患此面赤作渴心脉洪大此心經之症內用柴胡梔子散外用六仙散而愈後驚悸發熱疥癩作痛先用導赤散二服又用柴胡梔子散與子服毋服逍遙散而愈

一小兒患此大便酸臭肚腹膨脹手足時冷此脾經之

症用五味異功散四味肥兒丸漸愈後因母食炙煇仍
發母服清胃散黃連瀉心湯子服一味甘草而愈

一小兒嗜甘肥之物患之或痒或痛咳嗽飲冷此脾胃積
熱傳於肺經先用清胃散以治胃熱少用瀉白散以清
肺火漸愈出痘後仍患之口乾飲湯用五味異功散兼
大楓膏而愈

一小兒年十五遍身患此腿足為甚發熱飲冷兩尺脉
數洪按之無力此稟腎虛所致用六味地黃丸而愈後

用心力學復發尤甚兼盜汗遺精用地黃丸為主佐以補中益氣湯八珍湯而愈

一小兒患此發熱飲冷痰涎上湧此稟腎虛用地黃丸料煎服月餘漸愈又佐以八珍湯而愈次年畢姻復發熱唾痰盜汗咳血仍用前藥而愈

敷藥大楓子膏治瘡疥

大楓子肉

二兩
研膏

真輕粉

一兩

黃連

二兩

蛇床子

二兩

枯礬

一兩
油六兩

右各另入大楓膏和勻更入桫油杵百餘即成膏矣
每用少許塗患處

敷藥六仙散治諸疔瘡疥

苦參

獨活

大楓子

去殼去油淨

蛇床子

各一兩

枯礬

五錢

右為細末桫油調敷

五味異功散

方見用敗毒之藥

清胃散

方見熱毒口瘡

諸疳口瘡

諸疳口瘡因乳哺失節或母食膏粱積熱或乳母七情鬱火所致其症口舌齒齦如生瘡狀若發熱作渴飲冷額間赤色左寸脉洪數者此屬心經先用導赤散清心火次用地黃丸滋腎水若寒熱作渴左頰青赤左關脉弦洪者屬肝經先用柴胡梔子散清肝火次用六味地黃丸生肝血若兩腮黃赤牙齦腐爛大便酸臭右關脉洪數按之則緩者屬脾經用四味肥兒丸治脾火以五

味異功散補脾氣若發熱咳嗽右腮色赤右寸脉洪數
按之濇者屬肺經先用清肺飲治肺火用五味異功散
補脾胃若發熱作渴兩頰黧色左尺脉數者屬腎經
不足先用六味地黄丸以生腎水次用補中益氣湯以
生肺氣又有走馬疳者因病後脾胃氣血傷損虛火上
炎或痘疹餘毒上攻其患甚速急用銅碌散大蕪荑湯
輕則牙齦腐爛唇吻腮腫重則牙齦蝕露頰頰透爛若
飲食不入喘促痰甚此脾胃虛而肺氣敗也頰腮赤腐

不知痛者此胃氣虛甚而肉死也並不治

一小兒口瘡嘔血便血兩腮微腫唇白面青此脾土虧損木所乘也朝用補中益氣湯食遠用異功散而愈
一小兒右顙鼻準微赤此肺脾二經虛熱用四君升麻及白朮散而愈

一小兒口瘡久不愈診其母右關脉弦緩乃木剋土之症先用六君柴胡又用加味逍遙散治其母子自愈
一小兒齒齲蝕爛年餘不愈用大蕪荑湯治其疳邪五

味異功散健其脾氣尋愈後復作兼項間結核另服敗
毒藥口舌生瘡余用四味肥兒丸而愈

一小兒患口瘡寒熱嗜卧作渴引飲此脾疳氣虛發熱
而津液不足也先用白朮散以生胃氣再用四味肥兒
丸以治疳症兩月餘又用異功散而安

一小兒口瘡身熱如灸肚腹脹大此脾疳內作朝用五
味異功散夕用四味肥兒丸稍愈又以地黃蝦蟆二丸
兼服而愈

一小兒齒齕腐爛頭面生瘡體瘦發熱此脾疳所致先用大蘆薈丸又用四味肥兒丸大楓膏而愈

東垣大蕪荑湯

一名梔子茯苓湯

治黃疳土色為濕為熱當利

小便今反利

知黃色中為燥胃經熱也

髮黃脫落

知膀胱腎俱受上邪乃大濕熱之症

鼻下斷作瘡

上逆行營氣伏火也

能乳胃中有寒也

喜食土

胃不足也

面色黑

為寒為痺

大便清

寒也

褐色

熱蓄血中

黃色

腸胃有熱

治當滋

榮潤燥外致津液

山梔仁三分黃柏

甘草

炙各二分

大蕪荑

五分黃連

麻黃根

防風

各一分

羌活

二分

柴胡

三分

當歸

四分

白朮

茯苓

各五分

右水煎服

葛花解醒湯治乳母酒醉後乳兒遺熱為患

白豆蔻

砂仁

葛花

各五分

白朮

二分

澤瀉

二分

神麴

炒黃二錢

乾生薑

二錢

白茯苓

陳皮

人參

猪苓

木香

各五分

青皮

三分

右為末每服二錢白湯調服

愚按前湯先哲不得已而用之蓋醉酒耗氣又服辛散重損真陰折人長命可不慎哉

大蘆薈丸治疳殺蟲和胃止瀉

胡黃連

黃連

白蘼薊

去扇

白雷丸

破開赤者不用

蘆薈

青皮

木香

鶴虱

微炒各半兩

麝香

二錢

另研

右為末粟米飯丸菜豆大每服一二十九米飲下

蚶蜆丸治無辜疳症一服虛熱退二服煩渴止三服瀉

痢住

蟾蜍

一枚夏月溝渠中腹大不跳不鳴身多癩癰者

右取糞蛆一杓置桶中以尿浸之桶上要乾不令蟲走出却將蟾蜍撲死投蛆中食一晝夜以布袋盛置浸急水中一宿取出丸上焙為末入麝一錢粳米飯揉丸麻子大每服二十九丸米飲下

六味肥兒丸消疳化蟲退熱若脾疳飲食少思肌肉消瘦肚大頸細髮稀成穗項間結核發熱作渴精神怠

倦大便秘臭嗜食泥土或口鼻頭瘡肚腹青筋嚙下痢便白宜用此丸即四味肥兒丸加乾蟾一兩蕪荑五錢

四味肥兒丸 方見熱毒瘰癧

地黃丸 方見作渴不止

熱毒口瘡

經云手少陰之經通于舌足太陰之經通于口因心脾二經有熱則口舌生瘡也當察面圖部位分經絡虛實

而藥之若元氣無虧暴病口生白屑或重舌者用亂髮
纏指蘸井花水揩之或刺出毒血敷以柳花散傳之上
以腫脹或有泡者並令刺破敷前散或以青黛搽之刺
後又生又刺若唇吻熱烈者用當歸膏調柳花散敷之
若元氣虧損或服寒涼之藥或兼作嘔少食者此虛熱
也用五味異功散加升麻柴胡若泄瀉作渴者脾胃虛
弱也用七味白朮散若腹痛惡寒者脾胃虛寒也用六
君薑桂若因母食酒麵煎燂者用清胃散若因母飲食

勞役者用補中益氣湯肝脾血虛者用加味逍遙散鬱
怒內熱者用加味歸脾湯母子並服若泥用降火必變
慢脾風矣仍忝吐舌弄舌治之凡針重舌以綠針直刺
不可橫挑恐傷舌絡致言語不清也

一小兒口舌生瘡手熱飲冷屬胃經實熱用柳花散加
味解毒散而愈後因傷食吐血不時弄舌屬脾經虛熱
用四君子湯而痊

一小兒口舌生瘡延及頭面胸背膿水淋漓此胎毒也

內用牛黃解毒丸外以當歸膏調黃栢末塗之而愈
一小兒發熱飲冷口患瘡額鼻黃赤吐舌流涎余用導
赤瀉黃二散而愈後復作自服清熱化毒之藥益甚更
加弄舌余用五味異功散加釣藤鉤及六君子湯而愈蓋
吐舌為脾之實熱也弄舌為脾之虛熱也治者審之
一小兒患前症久不愈恪服清涼之劑痰喘不已口開
流涎手足並冷又欲治痰余謂經云脾主涎肺主氣此
因脾土虛寒不能生肺金而然非痰火為患也先用溫

中九二服痰喘頓止又用五味異功散而痊

一小兒口内生瘡用寒涼之劑更發熱飲湯不絕此中氣虛寒隔陽於外非實熱也用補中益氣湯加炮薑一劑而愈

陳湖陸欽若子患前症數服寒劑手足並冷口唇時動余曰此中氣虛寒而變慢脾風也後果歿

東垣清胃散治胃經有熱齒牙作痛或飲冷作渴口舌生瘡或唇口腫痛焮連頭面或重舌馬牙吐舌流涎

若因服尅伐之劑脾胃虛熱口舌生瘡或弄舌流涎
或嘔吐困睡大便不實者用五味異功散

生地黄

分四

牡丹皮

分三

當歸稍

分四

黃連

分三

升麻

分五

右水煎服嬰兒母亦服

清熱消毒散治實熱口舌生瘡及一切瘡瘍腫痛形病

俱實者

黃連炒

山梔炒

連翹

當歸

各五

金銀花

錢一

川芎

芍藥

炒

生地黃

各六分

甘草

二分

右水煎服嬰兒母同服

四君子湯治脾胃氣虛熱口舌生瘡或但胃氣復傷飲食少思或食而難化若作嘔泄瀉尤宜用之如兼痰嗽氣逆肢體倦怠面目浮腫宜用六君子湯

六君子湯治脾胃氣虛吐瀉不食肌肉消瘦或肺虛痰嗽喘促惡寒或驚搐口直口噤諸症

二方見腹癰

五味異功治脾胃虛熱口舌生瘡或因誤服剋伐之劑

脾胃復傷而口舌生瘡或弄舌流涎吐瀉不止飲食
少思或驚搐痰嗽睡而露睛手足並冷若母有病致
兒患者子母並服方見用敗毒之劑

人參理中湯

人參 白朮炒 乾薑炮 甘草炙各等分

右每服一二錢水煎蜜丸即人參理中丸加附子即
附子理中湯

四物湯治瘡瘍血虛發熱煩躁或晡熱作渴頭目不清

若因脾虛不能生血者用四君子湯

方見
腋癰

柳葉散治熱毒口瘡

黃柏炒 蒲黃

青黛真正

人中白

煨各
等分

右為末敷之

加味解毒散

牛黃解毒丸

二方見胎毒瘡疥

薛氏醫案卷六十四

欽定四庫全書

子部

薛氏醫案卷六十五

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官庶吉士臣吳裕德

謄錄監生臣蔣傳馨

欽定四庫全書

薛氏醫案卷六十五

明薛己訂

保嬰撮要十

疔瘡

諸瘡惟疔毒為甚而殺人亦速古云疔有十三種種各不同內三十六疔滿其數即不可救亦有不滿其數而死者乃毒氣走散故也若痘毒染人發於頭面或遍身

者又非此類在小兒多因乳母食有毒之物或兒卒中
飲食之毒或感四時不正之氣皆能致之其瘡多生頭
面四肢形色不一或如小瘡或如水泡或痛或痒或麻木
不仁外症寒熱嘔吐惡心肢體拘急大要當分邪之在
表在裏急用隔蒜灸法并解毒之劑若不省人事牙關
緊閉急以奪命丹為末熱酒調灌如食生冷之物或用
凉水淋洗則輕者難愈重者不治其生於兩足者多有
紅絲至臍生於兩手者多有紅絲至心生於唇口之內

者多有紅絲入喉急用針挑出惡血以泄其毒可保無虞其在偏僻之處藥難導達者惟灸法有回生之功若投峻厲之劑是促其危矣小兒肌肉脆嫩且不能言痛否灸法須將蒜切薄片著肉一面畧剝少空灼艾燃蒜先置大人臂上試其冷熱得宜然後移著瘡上又別灼蒜如前法試之以待相易勿令間歇

毗陵金文治子將週歲唇上患疔余用活命飲母子並服更欲隔蒜灸彼不從見腫勢益盛勉灸數壯余誠以

多灸為佳又為人所阻而止頭面益腫乃復灸五十餘壯腫勢漸消時與乳母服活命飲瘡出黃水翌日潰而得生

一小兒三歲手患紫疔二顆寒熱作痛用仙方活命飲半盃而愈數日後手臂俱腫乃用隔蒜灸服前藥而愈一小兒足患之嘔吐腹脹二日不食欲用護心散診氣口脈大審其大使所出皆酸穢余曰此飲食停滯耳非瘡毒內攻也若用護心等劑則誤矣急投保和丸二服

及隔蒜灸而愈其時同患是症用護心敗毒之劑者俱致不救

一小兒面上患之寒熱發搐此熱極而肝火動也用荆防敗毒散及隔蒜灸搐止熱退更服異功散加升麻柴胡桔梗而愈

一小兒患於胃外敷寒涼內服敗毒更欲嘔不食面色痿黃右關脈浮數按之微細此脾胃復傷所致也急用隔蒜灸服異功散倍加白朮半夏翌日又服活命飲而

愈

一小兒患前症服敗毒之藥作嘔不食余謂胃氣復傷不信另服護心散嘔甚神思沉困手足並冷脈微細如無急用五味異功散加乾薑二服嘔止食進去薑又四服而愈夫護心散皆寒涼之藥乃宋人為服丹砂蓄熱發疽者而設胃氣有傷即當溫補多因此藥停於胃脘惟覺陰冷作嘔沉困者世人皆謂毒氣攻心而概用之鮮不敗事者矣

一小兒手背患此數服皆寒涼之劑腹脹痰喘瀉糞穢
臭余謂脾胃復傷而飲食停滯也不信仍服治瘡之藥
而殁

一小兒臂患之色赤腫起恪用化毒丹鐵箍散腫處頓
平肉色白陷再日色黯痰喘氣促余謂瘡毒反入於內
也辭不治果殁

飛龍奪命丹治瘡毒發背腦疽等症

真蟾酥

乾者
酒化

輕粉

枯白礬

寒水石

銅碌

乳香 沒藥

麝香

朱砂

各六錢

蝟牛

四十箇另研如無亦

可

右各為末入蟾酥蝟牛或加酒少許糊丸葉豆大每

服一二丸溫酒或葱湯下重者外用隔蒜灸法

荆防敗毒散即人參敗毒散加荆芥防風

方見流注

仙方活命飲

方見熱毒瘡瘍

保和丸

方見發熱不止

五味異功散

方見敗毒之藥

時毒

頭面
赤腫

小兒時毒因感四時不正之氣致鼻面耳項或咽喉赤腫寒熱頭痛甚者恍惚不寧咽喉閉塞狀如傷寒五七日間亦能殺人脉浮數者邪在表脉沉濇者邪在裏在表用葛根牛蒡子湯在裏用梔子仁湯表裏俱病者犀角升麻湯甚則宜砭及用通氣散宣泄其毒旬日自消若不消而欲作膿者用托裏消毒散欲收斂者用托裏散若咽腫不能言頭腫不能食者必死

一小兒患此三日二便調和用葛根牛蒡子湯漫腫悉退雖頰間赤腫欲作膿用活命飲二服外用代針膏而膿出再用托裏消毒散而愈

一小兒腫赤焮痛此欲作膿也用托裏消毒散二劑膿成針之腫痛頓減又二劑漸愈却以柴胡梔子散加白芷升麻與母服之愈

一小兒腫焮作痛藥不能下咽先用通氣散連作嚏却用犀角升麻湯乳食少進腫痛漸消仍服數劑而膿血

漸少母服加味逍遙散而愈

一小兒患之咽喉作痛二便自調用葛根牛蒡子湯三劑甘桔湯四劑腫痛漸愈診乳母左關脉弦數用加味逍遙散母子並服而消

一小兒患之赤腫作渴外敷內服皆寒涼之藥余欲洗去敷藥急用發散表邪開通腠理之劑不信仍用前藥遂至不救

通氣散治時毒焮痛咽喉不利取嚏以泄其毒

玄胡索

猪牙皂角

川芎

錢各一

藜蘆

分五

羊躑躅花

分三

右為細末用紙撚蘸少許絛鼻內取嚏為效

甘桔湯治肺經壅熱胃隔不利咽喉腫痛痰涎壅盛

見方

時毒

犀角升麻湯治風熱口唇頰車連牙腫痛

犀角

錢鎔二

升麻

防風

羌活

川芎

白芷

錢各五

錢

黃芩

甘草

錢各一

白附子

分四

右每服三五錢

梔子仁湯治時毒腫痛大便秘結

鬱金

枳殼

炒 麩

升麻

山梔仁

牛蒡子

炒 研碎

大黃

炒 各等分

右為細末每服二三錢蜜水調服

葛根牛蒡子湯治時毒腫痛消毒解熱

葛根

江西豆豉

貫仲

甘草

牛蒡子

半生半炒

研碎各等分

右每服三五錢水煎

柴胡梔子散

方見
脇癰

托裏消毒散

代針膏

托裏散

仙方活命飲

四方並見
熱毒瘡瘍

加味逍遙散

方見發
熱不止

流注

小兒流注乃氣流而注血滯而凝元氣不足之症也或因閃跌墮傷或因肝火氣逆或因六淫內侵或因脾虛食積或因稟賦所致結於四肢節髀患於胃腹腰髻或結塊或漫腫或作痛悉用葱熨之法須固元氣為主閃跌者和血定痛九肝火者九味蘆薈丸食積者四味肥兒丸藥能對症未成自消已成自潰若膿成不潰者元氣虛也先補而針之庶使毒氣不致內攻氣血不致脫陷若膿出而反痛者氣血虧也用八珍湯作嘔少食者

胃氣虛也用四君子湯欲嘔不食或腹作脹者脾氣虛也用六君子湯口噤搐搦者氣血虛極而變症也十全大補湯內熟地熱陰血虛也四物參芪白朮表熱惡寒陽氣虛也十全大補湯熱來復去或晝見夜伏晝伏夜發者虛熱也當大補元氣若色赤腫起而膿稠者尚可治不赤硬而膿清或脈洪大寒熱發渴及不受補者皆不可治

楊鴻臚子年十二左脇下患此服流氣飲十宣散之類

元氣益虛年餘不斂左尺脉數而無力左關脉弦而短
此肝經之症因稟腎水不足不能滋養肝木血燥火熾
而然耳用六味地黃丸以滋腎水九味蘆薈丸以清肝
火而愈

一小兒九歲患此久不收斂或咳嗽或寒熱皆服清氣
化痰之藥前症益甚至夜作喘口開徹夜不寐手足並
冷藥餌到口即嘔余謂悉因脾氣虛甚所致先以人參
白朮各五錢炮薑五分以米湯煎之時灌數匙次日能

服一盃次日又服一劑諸症漸愈至十餘劑後朝用補中益氣湯夕用異功散而愈

李通府子十六歲腰患之三年不愈色黯下陷余曰此腎經症也宜用六味丸滋化源以生腎水更用如聖餅外散寒邪以接陽氣不信別用雜藥元氣益虛七惡蜂起始信余言仍用前藥而愈

陳州守子閃右臂腕腫痛用流氣等藥發熱惡寒飲食少思口舌乾燥腫痛愈熾形氣益疲余以助胃壯氣為

主佐以外治之法而愈

黃地官子腿患之腫痛發熱以濕毒治之虛症悉至余謂此元氣虛弱外邪乘之也用十全大補湯如聖餅而愈

一小兒臂肘腫硬用流氣飲肉色不變飲食少思余曰此肝脾虛症也用六君枯梗薄荷桂茯苓半夏及如聖餅而消

一小兒腿腕間患此已半載腫硬色白形氣俱虛余先

用五味異功散加當歸三十餘劑却佐以八珍湯二十餘劑更用慈熨法腫勢漸消中間一塊仍腫此欲作膿也當補其血氣遂用托裏散為主異功散為佐仍用慈熨法月許針出稠膿仍用前二藥及豆豉餅三月餘而愈

一小兒腿患之腫硬色白惡寒懶食此脾胃陽氣虛而不能成膿也非敷貼敗毒所能療遂用托裏散及慈熨法月餘患處脹痛發熱膿成針之膿出而安仍用托裏

散肢體漸健因飲食內傷泄瀉忽口噤目閉自汗手冷
此脾胃虛寒之惡症也以異功散內用人參一兩乾薑
一錢半灌之盡劑而蘇又以托裏散內用人參五錢數
劑始能動履却用托裏散大補湯葱熨法豆豉餅半載
而愈

一小兒十五歲早喪天真日晡發熱遍身作痛或四肢
酸軟唾痰頭運服祛濕化痰之藥腿之內外肉色腫硬
而不變因服攻毒之藥虛症蜂起按褚氏云男子精未

滿而御女以通其精五臟有不滿之處異日有難狀之疾正合此論遂用補中益氣湯及地黃丸半年而愈此等症候誤認為實熱而用敗毒之藥者必致不救

賈閣老子年十六患此二載矣脉洪大而數膿清熱渴食少體倦夜間盜汗午前畏寒余曰此真氣不足邪氣有餘之症治之無功矣彼懇求治午前勉用四君芎歸炙草午後四君麥門五味逾月諸症漸減有用滲利之劑保其必全者彼信服之形體骨立未幾而歿

一小兒右腿腕壅腫形體怯弱余欲以補氣血為主佐以行散之劑彼不信反內服流氣飲外敷寒涼藥加發熱惡寒形體愈瘠始求治於余余曰惡寒發熱脈至洪大乃氣血虛敗之惡症也不可治矣後潰而不斂瀝盡氣血而亡

掌教顧東帆子十餘歲秋間腰腿隱隱牽痛面色青中兼黑余曰青是肝虛黑是腎虛當急調補脾腎否則春間必患流注矣不信另用行氣破血之藥至夏腰臀間

漫腫五寸許復來請治脉數而滑按之如無此元氣虛極而膿內潰不能起也辭不治後果殁

健脾滲濕飲治瘡瘍初起焮腫作痛或濕毒下注或環

跳穴痛

人參 白朮 蒼朮 防己

酒拌

黃柏 炒川芎

陳皮 當歸 茯苓

各五分

木瓜

不犯鐵器

柴胡稍

甘草

各三分

右薑水煎服如三五劑不退加桂少許酒煎亦可小

便澁加牛膝身痛加羌活

和血定痛丸

一名黑九子

治流注膝風或閃跌瘀血肢節腫

痛服之自消若潰而發熱與補藥兼服自效

百草霜

五兩

赤小豆

八兩

烏

炮一兩半

白蘇

八兩

白芨

南星

炮各二兩

芍藥

當歸

牛膝

各五兩

骨碎補

四兩

右為末酒糊丸桐子大每服二三十丸白湯下

神效慈慰法治流注結核或骨癰鶴膝等症先用隔蒜灸若餘腫尚存用此熨之以助氣行血散其壅滯功

效甚速又治跌撲損傷止痛散血消腫之良法也其
法用葱細切搗爛炒熱頻熨患處冷則易之如鶴膝
風兼服大防風湯而愈

隔蒜灸法治流注及癰疽鶴膝風等症每日灸二三十
壯痛者灸至不痛不痛者灸至痛其毒隨火而散蓋
火以暢達拔引鬱毒此從治之法有回生之功其法
用大蒜去皮切三文錢厚安患處用火壯於蒜上灸
之三壯換蒜復灸未成即消已成者亦殺其毒如瘡

大用蒜杵爛攤患處將艾鋪上燒之蒜敗再易如不
痛或作膿或不起發及瘡屬陰症者尤當多灸凡瘡
不痛不作膿不發起者皆氣血虛也多主不治惟患
在頭面者不宜灸論中嬰兒灸法見疔瘡

如聖餅治流注及一切瘡瘍不能消散或潰而不斂

乳香

沒藥

木香

血竭

當歸

各等分

麝香

減半

右為末用酒糊和餅二箇乘熱熨之毒瘡加麝酥

六味丸一名地黃丸此壯水之劑也夫人之生以腎為

主凡病皆由腎虛而致其流注癰瘕屬肝腎二經發熱作渴小便淋秘痰氣壅盛嗽血吐血頭目眩運小便短少眼花耳聾咽喉燥痛口舌瘡裂齒不堅固腰膝痿軟五臟虛損尤宜用之乃水泛為痰之聖藥血

虛發熱之神劑也

方見發熱不止

當歸補血湯治流注及潰瘍肌熱面赤煩渴脉洪大而

虛重按全無此血虛症也誤服白虎湯必死

方見發熱不止

益氣養榮湯治流注氣血虛弱不消散或四肢頸項患

腫不問堅軟赤白或痛或不痛日晡發熱或潰而不

斂

方見鶴
膝風

十全大補湯治諸瘡血氣虛弱不能消散潰腐收斂或

寒熱汗出口眼歪邪肌瘦少食或日晡發熱自汗盜

汗或朝寒暮熱瘡口不斂等症

方見
便癰

天蛇毒

手指頭生瘡俗名天蛇毒然五指各有經絡拇指屬手
太陰肺經食指屬手陽明大腸經中指屬手厥陰心包

絡經無名指屬手少陽三焦經小指屬手少陰心經亦有患於足者足趺屬肝膽胃三經大指屬肝脾二經次指屬膽經小指屬膀胱經各當隨經而治其致患之由或因胃中積熱所發或因乳母膏粱厚味所致或因濕熱下流或因風毒外中大率多由所稟足三陰之經虛故邪得以入之也其初患腫痛者先用仙方活命飲次用托裏消毒散元氣下陷重墜作痛久而不潰者用補中益氣湯若服敗毒散及數寒涼之劑則瘡口變黑或

努肉突出或指皆黑大抵手足為氣血難到之處手屬
於胃足屬於脾不可損其真氣丹溪以醫居僻位尚言
氣血罕到況肢末乎故寒涼克伐之藥所宜深戒者也
一小兒十四歲手大指患之色赤腫痛用奪命丹二粒
活命飲一劑將愈因飲酒沐浴而瘡復作發熱嗽余謂
此毒原屬肺經今肺為濕熱所攻瘡毒乘勢妄行故復
作耳先用瀉白散二劑而痰嗽除又用托裏消毒散而
瘡愈

一小兒食指患之迸出血水瘡口凸腫上連手背久而
不愈余曰此元氣虛弱風邪襲於患處血氣不能運及
而然用托裏散及葱熨之法諸症悉退又用豆豉餅異
功散加升麻柴胡而愈

一小兒患之作痛發熱內外皆用寒涼之藥手背出膿
三月不愈面色痿黃此脾氣復傷也先用異功散加升
麻柴胡桔梗漸愈又佐以托裏散豆豉餅而痊

一小兒十三歲素食膏粱足大指患之腫連脚面喜飲

冷水右關脉洪大此脾氣復傷而積熱下注也先用清
胃散四劑次用活命飲二劑腫痛漸消又用托裏消毒
散數劑膿潰而愈

一小兒足大指漫腫上連跌傷色赤腫甚右關脉數而
有力此胃經濕熱下注也用活命飲一劑大指本節後
始發瘡頭痛亦稍止再劑而漫腫悉退又用消毒散出
膿托裏散收斂而愈

一小兒足次指患之色赤腫痛上連於腿外塗寒涼之

藥反致麻木重搗方知此氣血難到之所又因寒涼過絕而然急以活命飲加黃芪五錢煎服外以薑蔥湯洗去敷藥用隔蒜灸法半晌知痛其腫頓消再用托裏散加人參三錢數劑膿潰而愈

一小兒足大指患之內服外敷皆寒藥也腹痛惡心手指並冷此脾胃之氣復傷而作非瘡毒也先用異功散加柴胡升麻白芷及仙方活命飲各一劑諸症頓退又用托裏消毒散膿潰而愈

一小兒足大指患之變膿窠之狀良久乾硬痛甚小便頻數此稟父腎經虛熱所致用六味地黃丸而愈

一小兒足中指患之耳中腫痛小便頻數此稟父肝腎虛熱為患用六味地黃丸為主佐以柴胡梔子散而愈
一小兒不時生瘡脂在手足之表年餘不愈審其乳母善怒用加味逍遙散母子服而愈

一小兒足大指患之腫痛連脚用活命飲及隔蒜灸其痛不止着肉灸數壯方止用活命飲及托裏消毒散

而愈

一女子十五歲足拇指痒痛數敗毒之藥勢益甚而色黯余謂脾經鬱結所致彼人畧不經意後朝寒暮熱飲食頓減患處微腫足脛漸細而殁

錢氏瀉白散

方見
臂癰

奪命丹

方見
疔瘡

消毒散

方見胎
毒發丹

葱熨法

托裏散

二方見流注

仙方活命飲

托裏消毒散

二方見熱毒瘡瘍

東垣清胃散

方見腹癰

五味異功散

方見敗毒之藥

補中益氣湯

方見肌肉不生

天泡瘡

天泡瘡狀如水泡屬肺胃二經風熱若發熱焮痛邪在

表也用人參敗毒散發熱咳嗽邪在肺也用加味瀉白散熱渴便秘邪在內也用加味清涼飲此肌膚之症當去毒水以金黃散或黃柏蛭蛎敷之當歸膏亦善既安不必服藥若因攻伐過度元氣虛而變生別症者當參各門治之

一小兒患此嗽亦惡寒發熱大小便赤澁此邪在表裏之間遂外敷金黃散內服大連翹飲子諸症少愈更加味解毒散而痊

一小兒患之焮痛發熱大小便如常此邪在表也挑去
毒水敷金黃散用荊防敗毒散治其表柴芍參苓散安
其裏而愈

一小兒患此服敗毒之劑喘嗽唇白此脾肺之氣復傷
也先用補中益氣湯一劑諸症悉退後加桔梗白芷二
劑而愈

一小兒患此服敗毒散傳寒涼藥嘔吐泄瀉猶索敗毒
散余佯諾之却以五味異功散加柴胡升麻而吐瀉愈

又用柴芍參苓散而瘡痊

一小兒患此服敗毒之藥腹痛泄瀉余意脾氣復傷宜用五味異功散不信仍服敗毒之藥後果不食作嘔流涎泄瀉後重余先用補中益氣湯次用五味異功散而愈

一小兒患此服敗毒散作渴飲湯余與七味白朮散治之不信自服敗毒之藥前症益甚更加嘔吐不食來請治余曰嘔吐不食手足並冷痰喘氣促唇色皎白始見

虛寒即當溫補反服攻伐元氣之藥虛而又虛令脾肺敗症已見莫能為矣辭之果不治

柴芍參苓散治肝膽經分患天泡等瘡或熱毒癰癰之類

柴胡 芍藥 人參 白朮 茯苓 陳皮

當歸 各五分 牡丹皮 山梔 炒 甘草 各三分

右每服二錢水煎服

加味解毒散治天泡瘡發熱作痛即加味消毒散加金

銀花漏蘆

玄參 連翹 升麻 芍藥 當歸 羌活

生地黃

牛蒡子

炒各三錢

黃芩

甘草

各二錢

金銀花

漏蘆

各五錢

右每服一二錢水煎服或用蜜丸

金黃散治天泡瘡消毒止痛

滑石 甘草

右各另為末和勻傳患處如泡挑去水傳之加黃柏

尤好

補中益氣湯

方見肌肉不生

五味異功散

方見敗毒之藥

加味瀉白散

即瀉白散加山梔杏仁

楊梅瘡

楊梅瘡乃天行時毒亦有傳染而患之或稟賦所得者受症在肝故多起於下部治失其宜多致蝕傷眼目腐敗腎莖拳攣肢節初起之時上體多者先用荊防敗毒

散下體多者先用龍膽瀉肝湯大便閉者用大連翹飲
後用換肌消毒散若蝕傷眼目兼用九味蘆薈丸六味
地黃九肢節拳攣兼用蠲痺解毒湯若因脾胃虧損而
不能愈者先用異功散後用換肌消毒散若用輕粉之
藥多致敗症也

一小兒週歲傳染此瘡誤薰銀硃之藥昏憤不乳遍身
無皮用菴荳黃柏遍摻席上令兒睡卧更用金銀花生
甘草為末白湯調服漸愈若瘡乾燥更用當歸膏誤用

輕粉者亦以前藥解之

一小兒患此年餘不愈形體消瘦日晡尤甚朝用八珍湯夕用換肌散并太乙膏三月餘而愈

一小兒原有肝疳後染前症膿水淋漓腹脹嘔吐小腹重墜余欲用補中益氣湯升補中氣不信仍服消毒之劑更喘嗽流涎余謂脾氣虛而肺氣弱也朝用補中益氣湯夕用五味異功散元氣漸復仍佐以換肌消毒散

尋愈

一小兒因母曾患此症生下即有用換肌散母服五十餘劑子用當歸膏調金黃散隨患處傳之尋愈

一小兒十四歲患此用薰法肢體面目悉皆浮腫數月間遍身皮膚皆潰如無皮狀膿水淋漓先用金銀花甘草煎湯與之恣飲又為末摻遍身及鋪枕席令兒卧之半月許皮膚稍愈却佐以換肌散而愈又一小兒二歲用薰法吐痰喘躁不及治而死

換肌消毒散

一名草
薛草

治楊梅瘡不拘初患日久並效

土茯苓

即草
薺

當歸

白芷

甘草

皂角刺

薏

苡仁

白蘚皮

木瓜

不犯
鐵器

右水煎食前并空心服

又方 治大人之劑如用前方未應或兒長大宜用此方

土茯苓

五錢

當歸

皂角刺

炒

薏苡仁

白芷

各一錢

白蘚皮

木瓜

不犯
鐵器

金銀花

木通

各七分

甘草

連翹 防風

各五分

茯苓

一錢

黃芪

炒二錢

芍藥

炒一錢

川

芎

八分 生地黃 八分

右作二三劑水煎出幼者作一劑煎分兩三次服

蠲痺解毒湯

薑黃 羌活 白鮮皮 赤芍藥 當歸 各四分 白

朮

五分

茯苓

白芷

皂角子

炒各三分

右水煎服

九味蘆薈丸

方見喉痺

當歸膏

方見湯火瘡

太乙膏

方見跌撲外傷

金黃散

方見
泡瘡

赤白遊風

赤白遊風屬風熱血熱蓋血得熱而遊走耳白屬氣分
赤屬血分或因腠理不密風熱相搏怫鬱而成或因乳
母食膏粱厚味所致若風熱者用小柴胡湯加防風連
翹血熱者用四物湯加柴胡山梔牡丹皮風熱相搏者
用人參敗毒散內熱外寒者用加味羌活散胃氣虛弱

者用補中益氣湯加羌活防風或消風散血虛者用加味逍遙散如未應用逍遙散六味丸若嬰兒患此當審其受症之因而調治其母

一小兒患此其色或赤或白或痛或痒詢之因母食膏粱厚味所致余用東垣清胃散治其母牛黃散治其兒而愈

一小兒患此因母鬱怒所致母用加味小柴胡湯及加味逍遙散兒熱止又以加味歸脾湯而愈

一小兒患此嗜膏粱甜味齒齕浮腫漸至蝕爛先用清胃散後以四味肥兒丸間服而愈

一小兒患此色赤作痒脉浮數此肺胃二經風熱也用人參消風散而愈又因傳食復發色赤作痛先用保和丸後用異功散而消

一小兒患此作痒搔破膿水淋漓寒熱往來此肝經血燥而生風先用加味逍遙散肝症頓退倦怠少食用異功散三黃散而愈

一女子十五歲患此色赤作痒寒熱脇痛面青或赤此肝火動而血熱也先用加味逍遙散加膽草四劑諸症頓退但體倦少食惡寒欲嘔此脾為肝木所侮而肺氣虛也用五味異功散及加味逍遙散而愈

一女子患此寒熱作嘔先用加味小柴胡湯二劑而安再用人參消風散而愈後因怒發熱經行如崩遍身赤色四肢抽搐難以診脉視其面色如赭此肝心二經木火相搏而血妄行耳先用柴胡梔子散再加味逍遙散

諸症頓退又用八珍湯而痊

一小兒因母感寒腹痛飲燒酒兒遍身皆赤遊走不定
昏憤發熱令乳母時飲冷米醋一二杯亦以二三滴塗
兒口內週日而痊

歸脾湯治小兒因乳母憂思腸脾血虛發熱患前症久
不愈食少體倦或便血下血怔忡不寧驚悸少寐或心
脾作痛自汗盜汗等症

方見赤
遊風

人參消風散治赤白遊風或風熱隱疹搔痒或寒熱作

痛

人參

錢三

荊芥穗

甘草

炙

陳皮

錢各五

白僵蠶

茯苓

茯苓

苓

防風

芎藭

藿香

蟬蛻

錢各三

厚朴

姜製

錢三

羌活

錢二

右每服一二錢水煎

加味逍遙散

方見發熱不止

三黃散

方見黃水瘡

柴胡梔子散

方見脇癰

小柴胡湯

方見
腋癰

加味小柴胡湯

方見熱
毒瘰癧

牛黃解毒散

方見頭
面瘡

發癰

潔古云癰疹之病焮腫於外者屬少陽相火也謂之癰
小紅靨隱於皮膚之中者屬少陰君火也謂之疹癰疹
並出則小兒難禁然首尾俱不可下大抵安裏之藥多
發表之藥少小便秘則微疎之身溫者順身涼者逆大

忌外敷寒涼內用疎導無此二者可保無虞

一小兒患癰發熱體倦少食此脾肺氣虛外邪相搏也
先用消風散二劑隨用補中益氣湯加茯苓芍藥而愈
一小兒患癰作痛熱渴服發表之劑益甚形氣倦怠脉
浮而數此真氣復損而然耳遂用人參安胃散補中益
氣湯而愈

一小兒患癰發熱用犀角消毒散一劑吐瀉頓作余曰
此邪氣上下俱出矣勿藥自愈未幾果安

一小兒素面白患疹作痒鼻塞流涕咳嗽不止用敗毒散膿文淋漓惡寒喘急朝寒暮熱余謂脾肺之氣復傷耳用補中益氣湯稍愈佐以五味異功散而愈

一小兒患疹寒熱搔痒先用消風散治其兒次用加味逍遙散治其母兩月而愈

一小兒患癰作渴發熱咳嗽此邪在表宜汗之先用葛根橘皮湯一劑次用玄參橘皮湯而安癸丑歲患此症者余先用葛根橘皮湯後仍用玄參橘皮而全愈

一小兒患疹先用抱龍丸解之彼之父母另用以他藥下之其疹稠密余曰凡瘡疹始出未有他症但須用平和之藥以解之如三日不出或出而不快宜微發之更又不出當再發之出而不多脉和平者無他症也若瘡疹本稀少者不可更發若瘡疹起發而能飲食者以大黃丸下一二次若初起就用下行之劑則裏虛而瘡疹不能盡發出而稠密難治至三日其瘡疹黑陷所喜特不寒戰余遂用百祥丸及牛李膏各一服其瘡疹復紅

活而愈

一男兒因戲鞦韆絕繩而墜遂患急驚發搐或用以表散之藥不愈余曰此乃急驚當先退其熱遂用以大黃九玉露散及惺惺丸又加以牛黃龍麝解之至三日肌膚尚熱余曰再二日不愈必發癰瘡也已而果然用服必勝散七日而愈此乃初因誤散其表則內熱不止而癰疹必自生也若幼小之兒尤宜謹慎

百祥丸治痘瘡及癰疹黑陷嗽吐青綠水

紅牙大戟

陰乾漿水煮軟去骨復入原汁中煮

右焙乾為末水丸粟米大每服十九赤脂麻湯下服後須急以四君子加丁香陳皮木香厚朴炮薑以溫補土脾若身熱飲水黑陷復起十中可救一二

牛李膏治痘瘡癰疹黑陷

牛李子

右杵汁石器內熬膏每服卑子大煎杏膠湯化下

玉露散治傷熱吐瀉黃色後藥為末每服五分白滾湯

調下

石膏

煨

寒水石

各五錢

甘草

二錢五分

人參安胃散治癰疹及服峻劑以致虧損脾胃虛熱泄

瀉嘔吐飲食少思等症

方見喉痺

犀角消毒散治癰疹丹毒發熱痛痒及瘡疹等症

牛蒡子

甘草

荊芥

防風

各五分

犀角

鎊二分

金

銀花

三分

右水煎熟入犀角傾出服

補中益氣湯

方見肌肉不生

五味異功散

方見敗毒之藥

加味逍遙散

方見發熱不止

黃水粘瘡

小兒黃水粘瘡屬肝脾二經風熱積熱所致邪在表而
痒痛者輕則犀角消毒散重則連翹防風湯邪在內而
大便秘者輕則九味解毒散重則大連翹飲若頭目不
清憎寒壯熱作渴便秘者表裏俱有邪也加味清涼飲

若誤服尅伐之藥而致發熱惡寒者肺氣傷也用四君
桔梗柴胡發熱嘔吐胃氣傷也用異功散發熱作瀉脾
氣虛也用六君子湯並加柴胡升麻餘當隨症裁之
一小兒患此膿水淋漓寒熱作痛服抱龍丸敗毒散更
加氣喘等症蓋氣喘發搐乃肝火乘脾咬牙流涎乃脾
氣虛寒遂朝用補中益氣湯夕用五味異功散外敷立
效散而愈

一小兒患此發熱驚悸倦怠面黃懶食流涎服清涼之

藥更加吐瀉睡而露睛余謂心脾虛熱用六君乾薑一劑頓愈又用異功散立效散而愈

一小兒患此或痒或痛膿水淋漓服表散之劑更惡寒發熱嘔吐發熱手足並冷此病氣實而元氣虛也先用異功散加桔梗藿香而嘔吐止又用異功散而寒熱除用人參消風散而瘡愈

一小兒所患同前服荊防敗毒散加喘嗽腹脹四肢發搐此脾肺氣虛而肝木乘之用異功散加柴胡升麻桔

梗一劑諸症頓退又服異功散二劑而愈

一小兒患此服抱龍丸之類汗出喘嗽此肺氣虛而為
外邪所乘也用異功散加桔梗二劑又傷風發熱咳嗽
其瘡復甚用惺惺散一服外邪頓退又用異功散而痊
毛通府子患此卯關脉青兩目時劄形體困倦此土虛
木旺常用和肝補脾湯反服敗毒散前症益甚更加吐
瀉不食遍身發泡余用前湯刺泡出水用萊菔甘草末
頻鋪席上任兒睡卧後用神效當歸膏而愈

沈尚寶子患此咳嗽惡寒用大連翹飲腹脹少食此表
症瀉裏致元氣復損非其治也用補中益氣湯而愈

一小兒患此作痒發熱膿水淋漓面青惡寒此肝火血
熱用加味逍遙散稍愈又用和肝補脾湯而痊

一女十四歲遍身疙瘩搔破膿水淋漓發熱煩躁日晡
益甚此血氣虛而有熱也用加味逍遙散而愈

大連翹飲治風毒熱毒發熱作痛二便不利表裏俱實

方見
臂癰

柴胡梔子散治肝膽風熱生瘡作痛發熱或瘡破而膿

水淋漓或發寒熱晡熱即柴胡梔子散

方見
脇癰

犀角消毒散治熱毒積毒發于肌表而頭面生瘡或痛

或痒者

方見
發癰

九味解毒散治熱毒胎毒而發瘡瘍之類未潰作痛者

黃連

炒三分

金銀花

連翹

漏蘆

各五分

山梔

四分白

芷

六分當歸

八分防風

三分甘草

三分

右水煎服

黃連消毒散治腦疽背疽腫焮疼痛或麻木者

黃連

製

羌活

各一分

黃芩

黃柏

各五分

生地黃

知

母製

獨活

防風

當歸尾

連翹

各四分

藁本

防己

桔梗

各五分

黃芪

蘇木

陳皮

澤瀉

各三分

分人參

甘草

各三分

右水煎服

人參消風散治小兒瘡瘍膿水淋漓誤服表散之劑更兼惡寒發熱嘔吐不時不思飲食或痒或痛手足並

冷元氣甚虛頭目拘急肢體煩疼肌肉顫動耳若蟬
鳴鼻塞多嚏皮膚頑麻癢痒癰疹目澁昏困

方見赤白

遊風

連翹防風湯治小兒肝脾風熱時毒頭面生瘡

連翹

研碎

防風

黃連

陳皮

芍藥

當歸

獨

活

白蒺藜

炒去刺

荆芥

茯苓

黃芩

甘草

牛蒡子

炒研等分

右每服二錢水煎服

惺惺散治風寒瘡疹痰嗽發熱

桔梗 細辛 人參 白朮 甘草 瓜蒌根

白茯苓

右為末每服二錢入薄荷五葉水煎服

和肝補脾湯治風熱瘡疹脾土不及肝木太過

人參 陳皮 川芎 各五分 白朮 茯苓 芍藥 各七分

柴胡 甘草 炙各三分 山梔 炒各四分

右作二劑水煎服

益脾清肝散治肝脾風熱瘡寒熱體痛脾胃虛弱

人參 白朮 茯苓 甘草 川芎 當歸 黃

芪 各三分 柴胡 牡丹皮 各二分

右水煎服

三黃散治風熱疔熱生瘡水浸淫膿流處使濕爛

松香 五倍子 黃連 黃丹 海螵蛸 各一錢 輕

粉 雄黃 各少許

右各為細末用猪脂油調塗瘡上如瘡瘍有膿水者

更須以細末乾摻瘡上先拭洗膿水而敷之

荊防敗毒散治瘡瘍焮痛或發寒熱或頭目拘急脹痛邪在表者及膿水淋漓或痒或痛者

人參 羌活 獨活 前胡 柴胡 桔梗 枳

殼 茯苓 川芎 甘草 荊芥 防風

各等分

右水煎服

立效散治眉瘡耳瘡及一切瘡瘍瘡疥

定粉 松香 黃柏 黃連

錢各五
枯礬
錢二

右為末清燭油調搽

頭面瘡

頭額瘡發者皆屬心經耳瘡少陽經發兩鬢者皆屬膽經發於頰前鼻孔及人中左右者皆屬大腸經發於鼻之夾孔下唇口反承漿頤後頰車耳前髮際額顙者皆屬胃經發於目內眥上額尖至後腦項者皆屬膀胱經既察其經即當分治若稟腎火者用六味地黃丸胎毒者犀角消毒丸食積疳者四味肥兒丸乳母膏粱者東

垣清胃散至於諸腑受病必兼諸臟故患於額間屬心
經發熱飲冷者為實熱用導赤散發熱飲湯者屬虛熱
用養心湯左腮屬肝經或頸項勁强者為實熱用柴胡
清肝散或咬牙頓悶者虛熱用六味地黃丸右腮屬肺
經喘嗽飲冷者為實熱瀉白散發熱咳嗽者為火刑金
用人參平肺散鼻間屬胃經發熱飲冷大便黃硬者為
實熱用瀉黃散發熱飲湯大便青白者為虛熱用異功
散患於頤及耳輪者屬膀胱經腎無實症惟用地黃丸

若瘡已潰久而不愈則當審其臟氣之相勝病邪之傳變而以調補脾胃為主若因乳母遺熱為患者當先治其母則兒病自愈也

一小兒鬢患一瘡腫赤作痛余謂屬手足少陽經風熱用柴胡梔子散不應胗其母左寸關脉弦洪而數即以前藥令母服之兒遂愈

一小兒十三歲右頰患腫作痛飲冷脉沉重重按則數此積熱在臟也當疏通其內不信乃泛服雜藥兼敷寒

涼腫硬下頸內潰復來請治脉已無力矣先用托裏散
二劑針之又二劑而膿始出惡寒少頃煩躁發熱作渴
痰喘此潰後變症因氣血虛故也先用當歸補血湯二
劑諸症頓止又用異功散加山梔胃氣亦健未用托裏
消毒散瘡斂而愈

一小兒右腮赤腫余謂胃經有熱先用瀉黃散二劑又
用清胃散而愈後復患之敷石灰等藥致傷其血瘡不
能潰余先用活命飲次用托裏消毒散而愈

一小兒耳後結數核作痛左腮青赤此肝疳積熱所致
用四味肥兒丸柴胡清肝散及五味異功散加柴胡升
麻而消

一小兒耳赤腫痛寒熱往來此肝經熱毒也用加味小
柴胡湯寒熱悉退又用柴胡清肝散而赤腫頓消

一小兒顏間赤色作渴目睛白多面常生瘡睡而露睛
先君謂稟父陰虛用地黃丸補中益氣湯而愈後出痘
亦無虞設不預為調補腎氣則出痘之危其可保耶

一小兒四歲太陽連眉不時作痒或生小瘡此屬膽經風熱也先用地黃丸次用柴胡梔子散後專服地黃丸而愈

一小兒面常生瘡左頰赤腫或睡中發搐審其母素有鬱怒用加味逍遙散加味歸脾湯母子俱服而愈

一小兒面白時或變赤生小瘡兩足發熱先君以為稟賦足三陰虛熱不信專服清涼之藥後出痘果黑陷而歿

一小兒久患前症耳下結核余曰此肝脾疳毒也久而
不愈則先用五味異功散加柴胡梔子散清其肝火後
用四味肥兒丸治其疳而愈

一小兒患前症耳後結核大便酸臭飲食減少余謂此
脾疳所致先用五味異功散為主異功散為佐而愈
一小兒患前症頭皮光急發熱作渴小便頻數余謂此
腎肝之疳也用地黃丸為主朝用補中益氣湯夕用五
味異功散而愈

一小兒患左腮腫赤竟以鉄蘗散週圍塗之遂致腫甚
變成瘡出膿月餘不愈腫赤不消頸項勁強余謂此
乃肝經實熱所致也用柴胡清肝散數劑而腫赤漸消
外以當歸膏而愈

一小兒患前症咬牙頓悶此乃肝經虛熱之所致也外
以當歸膏敷塗患處服以六味丸料漸瘥

一小兒患右腮腫痛初畧微細紅色後遂日漸紅赤腫
亦日增更又發熱喜飲涼冷喘急咳嗽余謂此乃肺經

之實熱所致也用瀉白散而愈

一女子年十一歲忽患右腮腫痛漸而日甚成瘡腫赤不減先用仙方活命飲四劑潰膿但發熱咳嗽不減此肺火刑金用人參牛肺散數劑而愈

一小兒年十二歲常患鼻間及鼻孔中生瘡常發常愈亦不以為意忽又於鼻孔中頓發一瘡月餘不愈漸生於外遂覺疼痛身體疲倦更加發熱飲食不思日加其痛晝夜咳嗽欲飲涼冷大便實結糞色黃硬余謂此乃

胃經之火實熱所致也遂用瀉黃散數劑而漸色或青或白此乃胃經之虛熱也用異功散而瘡

一小兒患髮際生瘡被風入瘡口腫痛極甚眼為蔽合身體發熱服寒涼之藥致飲食頓減患處不潰余用托裏養血之劑數服而飲食稍進腫亦漸消而瘡亦膿潰後因勞每日晡發熱此陰虛而內熱也以四物湯軟柴胡地骨皮又用養血之藥而瘡愈

一小兒先患眉煉延及遍身如癩久而不愈手足並熱

面色常赤此稟母胃火所致子服瀉黃散母服竹葉石膏湯加味逍遙散子又用牛黃散拔毒散母子並愈
一小兒頭患瘡如癩或作痒結痂或膿水淋漓二年矣
作渴飲冷發熱面赤此稟心與小腸表裏俱有熱也先
用導赤散二服却用活命飲拔毒散漸愈子又服牛黃
散母服逍遙散而愈後因母食膏粱復發用清胃散母
子服之子又服活命飲而愈

一小兒面生瘡作渴飲湯服敗毒之藥致吐瀉不食手

足並冷余謂脾胃氣虛復傷而變症虛寒也先用益黃散而諸症退用異功散而瘡症愈

錢氏瀉黃散治瘡瘍作渴飲冷卧不露睛手足並熱屬胃經實熱宜用瀉黃散若作渴飲湯卧而露睛手足並冷屬胃經虛熱宜用五味異功散若誤服攻毒之劑吐瀉不食手足指冷脾腎虛寒也宜用益黃散若病後津涸不足口乾作渴胃氣虛也宜用七味白朮散

藿香葉

甘草

各七錢五分

山梔仁

一兩石膏

煨五錢

防風

二兩

右用蜜酒微炒為末每服一二錢水煎

益黃散治瘡瘍屬脾胃虛寒吐瀉不止手足並冷者

陳皮

一兩二錢

訶子

炮去皮

青皮

去白甘草

炙各半兩

右為末每服一錢水煎

養心湯治心氣不足虛熱上攻而患瘡瘍者

黃芪

炒

白茯苓

半夏

麴

當歸

川芎

辣桂

柏子仁 酸棗仁 五味子 枰人參 甘草

炒四

錢

右每服一二錢薑棗水煎為末服亦可

牛黃解毒散治胎毒頭面生癩或延及遍身痒痛不安
浸淫不愈及眉煉瘡

生甘草 一兩 牛黃 五錢 膏粱之 金銀花 一兩

兩

子必用之

兩

右各為末每服二三分乳汁調服或用甘草煎膏為
丸如芡實大每服一九白湯化下外傳清金散亦可

拔毒散治症同前及疥癩瘡癰

黃芩 黃連

白礬

三味俱生用

雄黃

各五錢

銅礬

三錢 痒甚

加松香

右各另為末乾摻患處或用油調搽疥瘡宜加枯礬

三錢

梔子清肝散

即柴胡梔子散

治三焦及足少陽經風熱耳內作

痒生瘡出水或脇肋乳間作痛往來寒熱

方見脇癰

仙方活命飲治一切瘡毒腫痛或作痒寒熱或紅絲走

徹惡心嘔吐等症

方見熱毒瘡瘍

治疔瘡等症用金銀花杵爛絞汁杯許入熱酒半杯徐

徐服之用藤葉亦效無鮮者用枯者煮飲亦可

導赤散

方見臂癰

六味丸

即地黃丸加五味子四兩肉桂一兩名加減八味丸

竹葉石膏湯

二方見作渴不止

清胃散

方見腹癰

人參平肺散

方見肺癰

當歸補血湯

方見發熱不止

五味異功散

方見敗毒之藥

托裏消毒散

托裏散

二方見熱毒瘡瘍

加味歸脾湯

柴胡梔子散

即梔子清肝散

小柴胡湯

二方見脇癰

人參消風散

方見赤白遊風

瀉白散

方見
臂癰

大楓膏

方見
瘡疥

加味逍遙散

方見發
熱不止

補中益氣湯

方見肌
肉不生

四味肥兒丸

方見貼
骨癰

眉煉

附癰
頭瘡

眉煉者謂小兒兩眉間生瘡如疥癬當求其因而藥之

蓋眉屬膽經若原稟肝膽經熱或乳母肝膽經有熱者

用柴胡梔子散或乳母食厚味醇酒者用加味清胃散
或乳母有鬱怒者用加味逍遙散俱與乳母服子亦飲
少許仍參前症主之

一小兒患前症用柴胡清肝散母子服之而愈後因母
不戒膏粱厚味復發延及遍體膿水淋漓先用清胃散
次用柴胡梔子散與母服子用清金散牛黃解毒丸而
愈

一小兒嗜膏粱甘味患之漸及肢體兩眉為甚膿水淋

清寒熱往來內用清胃散加味小柴胡湯外傳立效散而愈後眉間復發兩目連劄小便白濁將成肝疳用四味肥兒丸九味蘆薈丸而愈

一小兒因乳母不戒七情厚味患此延及遍身久而不愈母先用清胃散次用加味道遙散子用牛黃散解毒丸立效散而愈後兒食厚味眉間作痒搔破成瘡或痒或痛兩目連劄用四味肥兒丸佐以加味清胃散而愈一小兒眉間作痒破而成瘡延及遍身兩脇為甚用四

味肥兒九立效散母服柴胡梔子散加味逍遙散而愈
一小兒患此服化毒丹乳食不納手足俱冷此藥傷胃
氣用五味異功散與母服兒亦時服三五滴母又服加
味逍遙散加龍膽草漏蘆兒症漸愈

一小兒患此先延兩脇後先遍身此肝火乘脾也診乳
母亦有肝火先用加味逍遙散加炒黃連數劑却去黃
連又二十餘劑而痊

一小兒患之乳母惱怒其瘡益甚眉稜抽動不經意延

及遍身乳母甚怒兒面色赤驚悸咬牙兼之發搐此心
肝二經風熱所致也用加味小柴胡湯加味道遙散而
愈

青金散治小兒疥癬眉竦或延及遍身癢痒或膿水淋
漓經年不愈

松香二錢 真蛤粉五錢 青黛二錢

兩

錢

五

分

右為末用燭油調搽或乾摻之或加輕粉枯礬各三
錢以治前症及胎毒疥癩尤效

立效散

方見黃水痘

加味逍遙散

方見發熱不止

牛黃解毒散

方見前

四味肥兒丸

方見貼骨癰

九味蘆薈丸

方見喉痺

加味清胃散

清胃散

二方見腹癰

小柴胡湯

方見脇癰

加味小柴胡湯

方見熱毒瘰癧

導赤散

方見腎癰

活命飲

方見熱毒瘡瘍

斗黃解毒散

拔毒散

方見頭面瘡

薛氏醫案卷六十五